



Universiteti Katolik “Zoja e Këshillit të Mirë”

Programe Specializimi Afatgjatë në Fushën e Mjekësisë

Shpallje Konkursi

(Plotësim i vendeve të lira)

Edicioni I, Viti Akademik 2018-2019

Tiranë

Universiteti Katolik “Zoja e Këshillit të Mirë” (referuar në vijim UniKZKM), themeluar me Vendim të Këshillit të Ministrave Nr. 567, më datë 27.08.2004, në bashkëpunim didaktik me Universitetin e Romës “Tor Vergata”, hap për vitin akademik 2018-2019, në vijim të aprovimit të Ministrisë së Arsimit, Sportit dhe Rinisë në Republikën e Shqipërisë në vijim të Urdhrit Nr. 664, të datës 28.12.2017 *“Për aktivizimin e programeve të studimit të ciklit të tretë, Specializime afatgjata pranë Universitetit Katolik “Zoja e Këshillit të Mirë”* dhe të Urdhrit Nr. 678, të datës 29.12.2017 *“Për hapjen e programeve të studimit të ciklit të tretë, Specializime afatgjata pranë Universitetit Katolik “Zoja e Këshillit të Mirë”*, Programe Specializimi afatgjata në fushën e Mjekësisë, të Ciklit të III-të, për të diplomuarit në Mjekësi dhe Kirurgji të cilët kanë për qëllim zhvillimin e kompetencave specifike për ushtrimin e aktiviteteve mjekësore të specializuara në funksion të formimit profesional.

Neni 1 – Objektivat formues

Të diplomuarit në programet e specializimit afatgjatë në fushën e mjekësisë duhet të kenë:

përgatitje të mirë profesionale dhe aftësi metodologjike, kulturore dhe profesionale të përparuara, të përshtatshme për të analizuar, interpretuar, vlerësuar dhe menaxhuar problematikat mjekësore të specializuara kirurgjikale;

njohuri ndërdisiplinore për të planifikuar dhe zbatuar strategji të vepruari për menaxhimin e problemeve shëndetësore me kompleksitet të lartë, aftësi për t'u integruar në tregun e punës të sistemit shëndetësor kombëtar dhe ndërkombëtar;

aftësi për të përdorur rrjedhshëm, në formë të shkruar dhe me gojë, gjuhën italiane, duke iu referuar Udhëzim Nr. 52, datë 03.12.2015 *“Për përcaktimin e niveleve të gjuhëve të huaja dhe të testeve ndërkombëtare, për pranimet në programet e studimit të ciklit të dytë dhe të tretë, në institucionet e arsimit të lartë”* dhe në përputhje me Ligjin 80/2015 *“Për Arsimin e Lartë dhe Kërkimin Shkencor në Institucionet e Arsimit të Lartë në Republikën e Shqipërisë”*.

Neni 2 – Hapësirat e punësimit

Të diplomuarit në programet e specializimeve afatgjata në fushën e mjekësisë, të Ciklit të III-të, kanë mundësi punësimi të ndryshme dhe ushtrimin e aktiviteteve profesionale të specializuara në qendra shëndetësore publike dhe private të orientuara nga diagnostifikimi, përkujdesja, programimi dhe kërkimi shkencor në fushën e shëndetësisë (poliklinika, spitale, poliambulatorë, kompani farmaceutike, institute të sigurimit shëndetësor etj.), në nivel kombëtar dhe ndërkombëtar.

Neni 3 –Mësimdhënia, Praktika dhe Stazhet

Për qëllimet e mësipërme, kurrikula e programeve të Specializimeve afatgjata në fushën e mjekësisë, lidhur me objektivat specifike të trajnimit, parashikon aktivitete mësimore dhe praktika Mjeko-Kirurgjikale. Këto aktivitete do të rakordohen në bashkëpunim dhe partneritet me spitalet publike dhe private sipas marrëveshjeve të posaçme, në përputhje me Marrëveshjen e nënshkruar më 02.06.2016 midis UniKZKM dhe Ministrisë së Shëndetësisë Shqiptare. Si rregull, trajnimi i specializantëve nuk parashikon ndonjë angazhim në kohë pune në klinikat pritëse.

Universiteti nuk do të nënshkruajë asnjë kontratë lidhur me shpërblime të mundshme për specializantin.

Neni 4 -Kushtet për pranim

Lejohen të marrin pjesë në provën përzgjedhëse shtetas të vendeve të Bashkimit Evropian dhe të vendeve *jo* antare të Bashkimit Evropian që kanë:

Diplomë Masteri Shkencorë në Mjekësi dhe Kirurgji, ligjërisht e akredituar në momentin e lëshimit dhe e njohur nga Ministria e Arsimit, Sportit dhe Rinisë;

Kanë licencë për të ushtruar profesionin e Mjekut Kirurg (Certifikata e Provimit të Shtetit dhe Vërtetimi i Regjistrimit në Urdhrin e Mjekut);

Neni 5- Mënyra e Pjesëmarrjes

Çdo kandidat mund të konkurrojë maksimumi në dy Specializime të ndryshme duke përcaktuar qartësisht në kërkesën e pjesëmarrjes rendin e preferencës.

Kërkesa për pjesëmarrjen në seleksionim për pranimin në programet e Specializimeve afatgjata në fushën e mjekësisë, Cikli i III, i adresohet Rektorit dhe duhet të plotësohet sipas modelit të disponueshëm në faqen e internetit www.unizkm.al (Formulari A) dhe të pajiset me dokumentacionin e më poshtëm:

- fotokopje e noterizuar e diplomës dhe listës së notave për çdo provim;
- fotokopje e noterizuar e vërtetimit të licencës për ushtrimin e profesionit të Mjekut Kirurg (Certifikata e Provimit të Shtetit dhe Vërtetimi i Regjistrimit në Urdhrin e Mjekut);
- *Curriculum Vitae et Studiorum* në gjuhën italiane;
- fotokopje pëpara/mbrapa e noterizuar e dokumentit të identifikimit (pasaportë ose kartë identiteti);
- tituj të tjerë të mundshëm dhe vertetime (punime shkencore publikuar në revista të specializuara, çertifikata për pjesëmarrje në projekte kërkimi, kurse perfeksionimi dhe specializimi, kurse gjuhe, Master, Doktorata etj.) të noterizuara;
- kopje origjinale apo e noterizuar e Temës së Diplomimit;
- vërtetim i pagesës së tarifës 100,00 Euro e pa rimbursueshme, si kontribut pjesëmarrjeje në seleksionim e cila duhet të paguhet pranë Receptionit të Universitetit Katolik “Zoja e Këshillit të Mirë” në Tiranë.

Pjesëmarrja në konkursin e pranimit duhet të dorëzohet në Sekretarinë Mësimore të Programit të Studimit në Mjekësi dhe Kirurgji të Fakultetit të Mjekësisë pranë Universitetit Katolik "Zoja e Këshillit të Mirë", në rrugën Dritan Hoxha (Tiranë), brenda 20 ditësh nga data e publikimit të këtij njoftimi. Aplikimet e depozituara pas afatit nuk do të pranohen.

Dokumentet e bashkëlidhura me aplikimin duhet të dorëzohen në një zarf të mbyllur në të cilin vendoset emri dhe mbiemri i kandidatit dhe *dicitura*: Kandidat për programin e Specializimit afatgjatë në fushën e mjekësisë "Emërtesa e Specilizimit/Specializimeve".

Neni 6 -Mënyra e seleksionimit

Kandidatët që dëshirojnë të marrin pjesë në provën përzgjedhëse për pranim duhet të paraqiten me një dokument identifikimi të vlefshëm në sallat mësimore të Universitetit në mënyrë të detyrueshme brenda orës 11.00 të datës 26.02.2019 për të dhënë provat e pranimit. Përzgjedhja e kandidatëve do të kryhet nga një Komision i posaçëm i emëruar me urdhër të Rektorit i cili do të vlerësojë titujt e paraqitur dhe rezultatet e provave të konkursit. Këto të fundit do të përqendrohen në tema të përgjithshme të Mjekësisë dhe tema që i referohen fushës së Specializimit për të cilën është duke konkurruar.

Prova e konkursit konsiston në një provë me shkrim dhe më pas një provë me gojë.

Prova me shkrim do të fokusohet në një temë që do të kryhet mbi lëndët e mjekësisë së përgjithshme.

Prova me gojë konsiston në një intervistë të kandidatit me Komisionin përkatës, gjatë të cilës do të diskutohen argumente nga kultura e përgjithshme mjekësore, duke iu referuar gjithashtu edhe atyre të trajtuara në provën me shkrim, si dhe temat që lidhen me fushën e specialitetit për të cilën konkurron.

Për provën me shkrim, Komisionet përkatëse të konkursit do të paracaktojnë tri tema midis të cilave do të nxirret ajo që do të trajtohet gjatë provës. Gjatë provës me shkrim nuk lejohet konsultimi i asnjë teksti në rast të kundërt parashikohet përjashtimi nga konkursi.

Komisioni ka në dispozicion për konkursin **100 pikë**, nga të cilat **60** për vlerësimin e **provës me shkrim**, **15** për **provën me gojë**, **7** për **notën e diplomimit** dhe **18** për **curriculumin e studimeve universitare**.

Vlerësimi i *curriculumit* dhe i notës së diplomimit bëhet në përputhje me kriteret e mëposhtme:

Për notën e diplomimit – max 7 pikë

për notë diplomimi më të ulët se 100, **0 pikë**

për çdo pikë nga 100 në 109, **0.45 pikë**
 për nota të plota absolute, **6 pikë**
 për shkëlqyeshëm, **7 pikë**

Për curriculumin – max 18 pikë

Për cilësinë dhe përafrimin e temës me tipologjinë e specializimit – max 8 pikë:

- asnjë/pak përafrim (në bazë të cilësisë) deri në **3 pikë**
- përafrim i mesëm/i lartë (në bazë të cilësisë) deri në **8 pikë**

Për publikimet në shtyp, apo punime *in extenso* të cilat rezultojnë të pranuar nga revista shkencore të lidhura me fushën e specializimit – **max 10 pikë**: çdo publikim apo punim *in extenso* deri në **0,50 pikë**.

Në rast *ex-aequo* kanë përparësi ata që kanë marrë pikë më të larta në provën e pranimit. Në programin e Specializimit do të pranohen kandidatët të cilët do të renditen fitues në listën e hartuar në bazë të rezultatit të përgjithshëm të pikëve të grumbulluara, në përputhje me numrin e kuotave në dispozicion.

Në rast se për një program specializimi nuk ka aplikime të mjaftueshme, Komisioni ka të drejtë të caktojë kuotat e lira për specializimet e tjera më të kërkuara.

Renditja zyrtare do të publikohet brenda datës 27/02/2019 në Sekretarinë Mësimore të Programit të Mjekësisë dhe Kirurgjisë të Fakultetit të Mjekësisë pranë Universitetit Katolik "Zoja e Këshillit të Mirë".

Neni 7 – Mënyra e regjistrimit në Programin e Specializimeve

Kandidatët fitues duhet të depozitojnë pranë Sekretarisë mësimore të Mjekësisë dhe Kirurgjisë brenda datës 04/03/2019 sa më poshtë vijon:

kërkesën për regjistrim detyrimisht të plotësuar dhe nënshkruar (sipas formularit të disponueshëm pranë Sekretarisë ose të shkarkueshëm nga faqja e internetit www.unizkm.al, Formulari B);

- diplomën origjinale/çertifikatën e diplomës dhe listën e notave origjinale;
- fotografi personale;
- vërtetimin e pagesës së plotë të semestrit të parë të kryer si kontribut për studimet e barabartë me 3000 € për shtetasit e vendeve jo antare të BE dhe 4500 € për shtetasit e vendeve antare të BE, e cila duhet paguar në dy këste në fillim të çdo semestri;

Aplikimet me mangësi në dokumentacion nuk do të merren parasysh dhe sekretaria do të procedojë duke thirrur kandidatin pasardhës në renditjen sipas meritës.

Kandidatët që dëshirojnë të heqin dorë nga regjistrimi duhet të bëjnë kërkesë me shkrim në Sekretari duke i bashkëlidhur një fotokopje përpara/mbrapa të një dokumenti identifikimi (pasaportë, kartë identiteti), me qëllim që të mund të procedohet me plotësimin e vendeve të mbetura bosh brenda dhe datës 08/03/2019.

Sekretaria nuk është përgjegjëse për vonesa në dorëzimin e dokumentacionit të paplotë.

Fituesit që nuk kryejnë regjistrimin brenda afatit të caktuar do të konsiderohet se kanë hequr dorë dhe do të zëvendësohen nga kandidatët pasardhës në renditje: për këta të fundit afati i regjistrimit është caktuar brenda datës së fillimit të programit.

Tarifa e regjistrimit nuk rimbursohet në asnjë rast.

Neni 8- Mënyra e zhvillimi të aktivitetit mësimor

Aktiviteti akademik teorik/klinik-praktik do të zhvillohet në strukturat shëndetësore të përshtatshme për këto qëllime, të vendosura paraprakisht me marrëveshje bashkëpunimi specifike të parashikuara në Marrëveshjen Kuadër nënshkruar mes UniKZKM dhe Ministrisë së Shëndetësisë Shqiptare dhe strukturave shëndetësore të cilat do të përcaktohen nga Përgjegjësit e secilit Program specializimi sipas nevojave të posaçme të vet specializimit.

Praktikat klinike do të kryhen në strukturat shëndetësore të palëve partnere.

UniKZKM, në fillim të programit, do t'i komunikojë në kohë çdo kandidati fitues emrin e udhëheqësit dhe të strukturës shëndetësore ku do të kryhen aktivitetet klinike-praktike.

Neni 9– Lista e programeve të specializimit të hapura dhe numri i kuotave përkatëse për secilin program

Nr.	Program Specializimi në:	Kuota	Kohëzgjatja
1	Kirurgji e Përgjithshme	1	5 vjet
2	Ortopedi dhe Traumatologji	1	5 vjet
3	Mjekësi Transfuzionale	1	4 vjet
4	Gastroenterologji	1	4 vjet
5	Gjinekologji dhe Obstetrikë	2	5 vjet

6	Anesteziologji, Reanimacion dhe Terapi Intensive	1	5 vjet
7	Shkenca të të Ushqyerit	1	4 vjet
8	Kardiokirurgji	2	5 vjet

Rektori
Prof. Bruno Giardina

Tiranë më, 01/02 /2019